

四庫全書

史部

欽定四庫全書

江南通志卷十九

輿地志

風俗

江南本勾吳舊俗左思所謂率土論都獨端委所彰高節所興者也漢書地理志以為東海淮泗之間屬魯沛楚山陽屬宋其民有聖人之教化近先王之遺風又以為吳粵與楚接比數相并兼其俗

略同蓋其文辭之失巧與嵒窟不求積聚者自古
已然然風俗者教化之所移易非獨其水土之性
殊氣習之所尚不同也哉

朝覃敷文德久道化成漸摩以仁義節和以禮樂則吳
中君子尚禮庸庶敦龐風俗澄清而道教隆洽史
冊所傳聞者庶幾徵信於今茲矣

江寧府

君子勤禮恭謹小人盡力耕殖

祥符
圖經

其人士習王

謝之遺風以文章取功名者甚衆

沈立金陵記

南方水

土柔和其音清舉

顏介之

永嘉之後衣冠萃止文藝

儒術於斯為盛

通典

俗英且毅士清以邁地大而才

傑

宋楊萬里

風流文物冠暎古今

汪藻

建業自六代為都

邑民物浩繁人材輩出實士林之淵藪

楊演

山川渾

深土壤平厚華而不佻淳而不俚

戚氏志

生人之性

亢朗冲融重義而薄利風俗之美喜藝文而厭凡

鄙鄉鄰婚喪貧乏者互相飲助成之金陵文

獻之邦以故寰宇推為奧區士林重其清議彈射
臧否剖析毫釐擘肌分理者至今猶然

俱舊志

蘇州府

因士類顯名於歷代而人尚文因僧徒倡法於羣
山而人尚佛

漢第五倫傳

泰伯遜天下季札辭通國德

之所化者遠矣更歷漢晉以來風俗清美俗多祠

宇

舊圖經志

山澤多藏育風土清且嘉泰伯導仁風仲

雍揚其波

晉陸機詩

郊無曠土多勤少儉

吳郡志

君子尚

禮庸庶薄庀

隋書

當趙宋時俗益丕變有胡安定范

文正之遺風焉及後禮義漸靡而前輩名德以身
率先又皆以文章振動今後生文詞動師古昔而
不枯於專經之陋矜名節重清議下至布衣韋帶
之士皆能摘章染墨其俗甚美惟夫奢侈之習未

能盡革

舊志

松江府

文物衣冠蔚為東南之望經學詞章以至書翰咸

有師法

起

吳中族姓之盛自東漢以來有聞於世

逮魏晉而後彬彬輩出左太冲所謂高門鼎貴魁

岸豪傑虞魏之昆顧陸之裔居於華亭者為最著

故士奮於學民興於仁

宋起

了

儒官翼翼不異鄉

魯

元

四方名流彙萃於此薰陶漸染之功為多

負

元

海枕江水環山拱自成一都會民生其間

多秀而敏其習尚亦各有所宗以至田野小民皆

知以教子孫讀書為事

土膏沃饒風俗淳秀

俱

志

常州府

人性佶直黎庶淳遜敏於習文疎於用武

寰宇記

建

自秦伯宣於延陵高節所興由克遜以立風俗

左思

賦穎異之材挺生此邦

風俗記

地偏俗儉

宋蘇軾卜居說

縣

人學子知所向慕

朱子宜興學記

能振頽風以激衰俗非

好賢樂善未易能爾

府志

人秀而文

葛邲百院記

不事浮

華少為商賈耕稼自給士尚儒術縉紳代不乏人

男子不遠遊女子不交易士夫不衣文繡不乘輿

馬俗多尚吟咏

舊志

士大夫皆知繩趨尺步納身軌

物以為士民標準

宜興志

鎮江府

本秦伯之化有謙讓之風

舊因經

其禮遜謙謹婚嫁

喪葬雜用周漢之禮

寰宇記

士大夫崇靜退貴氣節

民庶循禮樂業而不好競

嘉定志

人性柔慧尚浮屠

而少積聚

宋志

土風質而厚士風淳而直

咸淳志

士習

詩書敦簡素民閑故土力耕稼而不急工商之利

嗇於自奉婦人恥出門戶

金壇志

京口為舟車絡繹

之衝四方商賈羣萃而錯處轉移百物以通有無

舊志

淮安府

人多輕剝士任氣節

隋書志

重禮教崇信義闡市或

雜澆偽至於農忙顛固極矣

地理志

士勤學問民務

農尚有淳厚之風禮讓之俗

中都志

書軌新邦英雄

舊里

宋蘇軾淮陰廟碑

漸漬聖化綽有餘風

圖冊

喜學問從

教化雖兵革之餘猶有是心

元志

淮安之俗淳實尚

義勇悍習戰

舊志

地大物衆細民棄本務末豪右亦

頗宗華黜素

南畿志

土沃生蕃河患豐歉不常

安東志

揚州府

土俗輕揚

孔氏六帖

流寓無定憩

梁柳世隆

揚州之俗號為

繁侈

元和志

地分淮海風氣清淑俗務儒雅士興文

藝

明王俱學記

俗尚侈靡其士多明秀俊偉

彭時學記

俗從

約而易化士循理而多文 海陵之民惟事耕漁

性多樸野

俱郡志

土高而廣於水俗廓而勤於稼

高郵

題名記

徐州府

徐方鄒魯舊國漢興猶有餘風

杜氏通典

人頗鷙悍其

士子挾任節氣好尚賓游蓋楚風焉

隋書志

霸者之

餘以武為俗

宋陳師道學記

蕭風俗渾厚多智慮務農生

財

北端中

沛地鄰鄒魯務稼穡尚禮義

沛縣志

沛以勇

宕為俗

李蔚美政記

碭邑之學弦歌方盛

元大成殿記

豐熟

可抵三州民事農桑樂輸賦役而其俗亦淳

豐縣志

俗多楚音樸直舒徐

地理志

風俗高邁迥出等倫

舊圖

經

士愿民樸重廉恥崇信義

邳州志

太倉州

正統以後太倉始立學校仕進者輩出文物漸盛

於前

明陸容

太倉氣習風類耿拔自樹財賦攸出政

重農官

周鳳岐

弘治以後竟名大邦峻城深池文學

顯於天下張溥俗尚氣節好清議少不檢即私相非

笑且安土不好遠遊無故未嘗適百里縱商游不

至經歲舊志嘉定風氣沉厚其君子務讀書行義以

古人為師王衡崇明越在海表其土風古其性勛其

人馴擾舊志

海州

海州古郟子國也孔子嘗遊焉其地密通鄒魯昔

為東海郡號稱多材海州志贛僻在海隅人性顛樸

無機利之習

明王典

閭閻殷富人物焜煌山川草木

潤媚而韶秀淮平以北稱美土馬

董杏

沫漢之厚邱

治居淮朔壤接東省有洙泗之遺風家詩書而戶

禮樂弦歌之聲不絕於閭巷草野忠孝節義時見

於愚夫愚婦

沫陽志

通州

文采風流衣被到今稱為淮南書院

舊志

魚鹽之利

商賈多集弦歌之聲章甫亦衆

宋學記

通阻江濱海

盜稀訟簡

通州志

如臯水土清淑自胡安定以經學

倡率東南閭巷秀民皆知向學弦誦之風於今為

盛

如臯志

安慶府

江南之氣躁勁厥性輕揚

晉書

同安郡人性剛強風

氣果決其舊風然也自平陳後俗尚淳質好儉約

喪祀婚姻率漸於禮

隋書

土壤膏沃人性輕揚善商

賈廛里饒富

宋史

風俗清美天性忠義荆楚饒勁

士吳越多秀民皖介兩服之間沉潛高明蓋兼具

矣

俱舊志

安慶人物忠敢不媿於古懷寧易桐城達

望江懋潛山毅太湖諍宿松直大抵江北風氣近

厚故其習尚多類中州

明胡縉宗

六皖山川美瞻弦誦

力本其禮教信義間之熟矣

安慶志

徽州府

地雜甌駱性剛強君子務為奇行高節而羞不義

異才間出

朱子文集

自昔多以材力保捍鄉土其後浸

有文士山隈壤隔民不染他俗勤於山伐能寒暑

惡衣食

淳熙志

新安為文公闕里後先相望斯文盛

昌

明授朱升學士制

山居十之五民鮮田疇以貨殖為恒

產善識低昂時取予以故賈之所入視旁郡倍厚
其家居也為儉嗇而務蓄積女人尤號能儉大都
務為貞潔雖妾媵女廝之徒亦以流合為恥故李
維貞曰歎女流之鄒魯也 冠冕之倫多尚氣節
矜取予有唐風瞿瞿之意其高者杜門却軌自偶

古人監司守相莫能識其面

俱舊志

寧國府

火耕水耨民食魚稻以漁獵山伐為業飲食還給

不憂凍餓亦亡千金之家

漢書地理志

川澤沃衍有海

陸之饒其人君子尚禮庸庶敦龐故風俗澄清而

道教隆洽亦其風氣所尚也

隋地理志

舟車繁會風俗

和柔

唐尉遲振記

宣州故秦鄣郡地阻以重山緣以大

江其俗佻而侈其人勁而悍有裴公耀卿者為刺

史端本重學宣人始服化矣

陳簡甫開元良吏記

地廣而僻

人質而文

元志

所產多材故秀民悅詩書好禮義閭

巷田塘之氓悉有以自資而無慕於外

舊志

池州府

民淳氣和衆貨畢給雖人物稠夥而有訟不囂雖

租賦浩穰而聞令必集

宋盛約記

人性便利喜動經生

學士文雅彬彬以漁獵為業

俱秋浦志

冠婚喪祭互

相周恤

石隸志

剛柔既殊雅俗亦分人志懷刑衣冠

濟濟 人性機敏往哲熙熙 大槩士夫宗恬退

尚氣節婦女親蠶織工紡績土著之民憚遠行不
事貿遷甘心貧窶以故六邑利權半歸寄客百家

未藝盡出遊民

俱舊志

太平府

火耕水耨民食魚稻羸蛤故皆窳偷生而無積聚

漢地理志

當塗井邑雖疎而開豁物產豐懿

宋張舜民南征錄

姑孰本江東道院民淳不澆

洪邁貢院記

其民渾然大

樸惟土物是愛故能臧厥心惟本業是宗是以無

末作

吳湖

蕪湖附河距麓舟車之多貨殖之富衣冠

文物之盛殆與州郡埒

元黃禮

質而不華儉而不侈

務耕讀之業絕淫博之風

祝葵記

地既分則風俗異

詐可以輕揚目之

劉子澄太平圖經

廬州府

人物語音風土明茂皆勝淮左其性躁勁風氣果

決

隋書地理志

風俗淳樸事耕桑崇儉重名務學賢才

彙興

范園經

其民質直而無二心

舊志

人物清修苦節

廉介忠義

黃宗載記

自昔其民質樸不好爭訟而風俗

淳美

王志英序

衣冠文物之懿視昔有加生民俎豆婚

嫁於桑梓間弦誦之聲接於四境

朱璣序

山川高深

風氣完密有中州質樸之美

元虞集記

其俗樸茂剛健

而少文其民勤力稼穡而多殷富

王章記

土厚水深

士生其間剛勁篤實足以任重

楊博記

俗尚淳質好

儉約喪祀婚姻率及於禮

盧江古志

人性淳厚好學務

本畏犯法而少鬪訟無吳楚勁悍之風

無為圖策

鳳陽府

鳳陽性率真直其食秔稻其衣純布

寰宇記

淮南著

美風流所被文詞並興 在城務商在野勤嗇無

告訐之風

俱淥梁志

鍾離風俗號稱近古

鳳陽志

俗慕學

問才產文武

方輿勝覽

務儉勤農知慕孝行

壽州圖經

土俗

儉樸民生淳厚力農務本逐末者少鄉里無關爭

之習彬彬然有古之遺風

臨淮記

宿地闕民聚風俗

淳美

宋應奎進士題名記

潁州府

汝南之別皆急疾有氣勢

漢書地理志

舊傳其俗傲蕩

今則好尚稼穡重於禮文其風比皆變於古

隋書志

民

性安舒多衣冠舊族土地褊薄迫於營養洛俗然

也汝陰在二京之交頗同於洛邑

宋史志

民淳訟簡

而物產美土厚水甘而風氣和

歐陽修思潁詩序

里巷敦

扶持之教男女別飲食之筵

元史志

汝潁人率性真

直賤商務農

寰宇記

尚氣安愚

風土記

汝頽固多奇士

貞尚論

風俗清麗人備文武

舊志

平原曠野土壤饒沃

水陸四通五達而無崇山峻谷之險阻

舊志

仁厚之

俗勤農事惡衣服人皆忠義本於張巡許遠之表

率

亳州志

人性質樸惟務農桑今則工商交作詞訟

簡少俗尚禮義視昔為盛

異聞集

滁州

地僻訟簡其俗安閒

宋章衡醉翁亭記

滁介於江淮之間

舟車商賈四方賓客之所不至民生不見外事而

安於畎畝衣食

歐陽修豐樂亭記

習尚勤儉專力農桑

郡志

雖風俗淳厚而尚氣節易以德化難以力服

呂元中紫

微泉記

和州

楚越之地飯稻羹魚不待賈而足地勢饒食無饑

饑之患以故砦窟偷生無積聚而多貧

史記

歷陽人

性躁勁風氣果決自平陳之後俗頗尚淳質好儉

約隋志女工尚堅全男工尚墾闢市無蚩眩工無彫

彤無遊人異物以遷其志

唐劉禹錫記

四民各安其業

而儒雅之風尤甚

和州志

廣德州

民力於南畝不務商賈

漢地理志

民淳事簡號江東道

院

南畿志

人性直好義君子業儒術而尚質樸小人

崇節儉而務農桑婦女不出戶閤富貴不服羅綺

宋曾鞏

境大壤沃食化貨富穰

曾鞏鼓角樓記

六安州

舒六之貢利盡荆楚

晉伏滔
正淮論

淮右名州沃野千里

明朱
子奮

民力田疾作輸納以時庶幾家給人足

舊六
志

地介南北剛柔適中文業武功彪炳史冊 民勤

耕稼士崇氣節皆以禮讓相先無復囂訟

俱六
安志

泗州

地接齊魯民尚淳樸以信義為先與洙泗通源雍

容揖讓有古君子風

舊志

泗人性舒緩樸直城市之

民不為商鄉落之民鮮識字士習文雅清恬愿慤

學校畏清議仕宦顧名節

泗州志

盱眙自古稱為壯

縣民強勁易馴以義

元揭傒斯

天長民樸而愿士質而

文

龍侍御記

江南通志卷十九

欽定四庫全書

江南通志卷二十

輿地志

城池

一 下江
府州縣

禮記云城郭溝池以為固周禮夏官之屬有掌固掌修城郭溝池者是也任其萬民用其材器若有山川則因之吳地為東南都會自昔立二八之通門帶朝夕之濬池其因川陸之輿作金湯之固者

規模可以概見而大江南北峻堞深隍亦往往憑
流峙之自然加整築之人力矣繁劇之縣畫疆而
理增設官司無改井邑保民以德不以城池

聖世所以臻教寧之效歟

江寧府

江寧府始自越范蠡築城於長干楚置金陵邑城
於石頭其後六朝有都城有臺城有丹陽郡城隋
為蔣州唐為昇州皆有城五代楊吳為金陵府城

宋元仍之俱詳見古蹟明初建都城惟南門大西
水西三門因舊更名聚寶石城三山外自舊東門
處截濠為城開拓八里增建南門二曰通濟曰正
陽正陽而北建東門一曰朝陽自鍾山之麓西抵
覆舟山建北門一曰太平又西據覆舟雞鳴緣後
湖以北至直瀆山而西八里建北門二曰神策
國朝改為得勝曰金川西北括獅子山於內雉堞東西
相向建門二曰鍾阜曰儀鳳迤邐而南建定淮清

涼二門以接舊西門實周九十六里其皇城則在
都城內之東鍾山之陽前直正陽門外城西北據
山帶江東南阻山控野闕十有六門東南北六曰
姚坊仙鶴麒麟滄波高橋上方西南六曰夾岡雙
橋鳳臺馴象大安德小安德西一曰江東北三曰
佛寧上元觀音周百八十里西又有柵欄門二一
在儀鳳門西一在江東門北共十八門

上元縣附郭自通濟門而北至西北儀鳳門屬焉

江寧縣附郭自通濟門而南至正西石城門屬馬
甸容縣吳赤烏二年築子城周三百九十丈唐天
祐八年縣令邵全邁修築宋淳祐六年令張槩重
築後祀明景泰間知縣浦洪劉義建門樓弘治三
年知縣王僖砌以石嘉靖三十三年知縣樊垣始
築磚城周七里有五門

溧水縣隋始築城周五里有奇宋紹定中縣令史
彌鞏修之明初知州鄧鑑更築周七百餘丈門有

六洪武間知縣郭雲重建正德中知縣陳銘甃以
磚尋毀知縣陳憲因其址築土城嘉靖初知縣王
從善擴其東隅建石橋以泄水十年水敗東南隅
知縣張問行修十七年水復潰三十六年知縣曾
震始造石城高三丈廣如舊然石甃其外而內猶
土也城東西有池

高淳縣明嘉靖五年知縣劉啟東築土城東北因
岡阜西南藉淳溪為池門有七

江浦縣明洪武四年八月始築浦子口城設應天衛於城內九年改為縣治後遷治曠口山無城萬厯元年知縣周一經始築土垣六百九十餘丈下甃以石八年知縣余乾貞築城延袤七百八十丈門有五引水環之

國朝康熙中知縣徐龍光董志建項維正屢修城樓及女牆六合縣宋前跨河為一城紹興中就舊濠築城於河北隆興初於其北又築一城俱甃以磚尋

復築河南土城於是六合分而為三乾道紹興嘉泰相繼修之歷元至明初圯成化十年知縣唐詒創為四門後於每隅各增其一嘉靖三十九年築堡以圍縣署崇禎九年六月流賊破六合其鄉中書舍人孫國教上城六合議蘇州巡撫張國維巡按陳起龍疏請於朝建城河北知縣仲聞韶董其事城周千三百二十餘丈高二丈五尺北及東各二門西及南一門南街一帶皆商賈水陸所經又

開便易小門七城河環之四門有橋

蘇州府

蘇州府吳闔閭築城周四十二里三十步為門八
東曰婁曰匠西曰閭曰胥南曰盤曰蛇北曰齊曰
平歷代皆仍其舊至隋楊素徙城橫山東即今新
郭唐武德九年復還舊城分城之東置長洲縣以
卧龍街為界乾符三年刺史張搏重築之梁龍德
二年始以甌甃裏外有濠宋初諸門漸塞而大圯

於開禧間嘉定中太守趙汝述沈皞相繼修治寶
祐二年趙汝歷增置女牆補建葑婁齊三門樓元
定江南凡城池志命湮毀雖設五門蕩無防蔽至
正十一年兵起復詔天下繕完城郭知府高履築
壘開濠還闕胥門至張士誠入據增置月城明興
更加修築城為亞字形內外長濠廣至數丈門有
釣橋以通出入崇禎十五年推官倪長圩重加修
葺

國朝康熙元年巡撫都御史韓世琦改建城垣併闢女
牆今城周四十五里長五千六百有五丈高二丈
八尺廣丈有八尺女牆高六尺為門六葑婁齊閭
胥盤各有水陸門惟胥無水門又於每門建官廳
軍器庫凡窩鋪百有五十七敵臺五十七雉堞三
千五十一門有守門官公館及營房而鎖鑰則歸
總捕同知焉雍正七年浙江總督李衛暨署江蘇
巡撫張坦麟檄委修繕傾圮八年巡撫尹繼善復

檄補修又舊有子城在大城東偏相傳亦吳所築
周十二里自漢至宋皆為郡治張士誠時為太尉
府士誠敗遂圮

吳縣附郭得城西之閭門胥門南之盤門

長洲縣附郭雍正三年分縣後得城北之齊門

元和縣附郭分得城東北之婁門及東南之葑門

崑山縣向未有城惟樹竹木為柵至宋猶然元至

正十七年方國珍犯境始築土城禦之門有六明

弘治四年知縣楊子器建樓其上嘉靖五年邑人
都御史周倫疏請築磚城十七年於沿海州縣無
城者次第修舉始甃以磚期年而成周十有二里
長二千三百八十七丈高二丈八尺雉堞四千五
百八十七池深五尺廣六尺

新陽縣雍正三年分與崑山同城東半壁屬焉

常熟縣唐武德初始遷虞山下周二百四十步高
一丈厚四尺列竹木為柵宋建炎間縣令李闔之

始建五門元築土城至正十六年張士誠據吳以常熟邊江要害甃為磚城周九里三十步高二丈二尺厚一丈二尺最為完固明永樂中歲大侵饑民盜城磚易食城日圯嘉靖三十二年倭入寇知縣王鈇重築之高二丈四尺周一千六百六十六丈建門七西北二門枕山餘五門內外各有渠外渠廣倍內渠皆通以水關其後西北門在虞山巔者以形家言塞之萬厯甲午知縣張集義增城之

高三尺

國朝康熙十九年水圯數百丈糧儲副使劉鼎暨知縣高士鶴修築 福山城明嘉靖間知縣馮舜漁江陰主簿曹廷慧築周三里萬厯間知縣楊連修設兵防江為邑重鎮

國朝遊擊駐馬康熙十三年督撫諸臣疏請捐修二十一年知縣高士鶴重葺

昭文縣雍正三年在常熟分出與常熟同城以西

北鎮江門而東至東南迎春門為境雍正六年知縣勞必達修

吳江縣梁開平間吳越王錢鏐築城後廢宋嘉祐二年縣令裴煜復建南北二門元至正十六年張士誠據其地重築高二丈八尺厚一丈五尺周五里二十七步陸門四水門五各以方名明成化元年知縣陳堯弼重建城樓後俱傾圮正德九年知縣蕭韶復大築之嘉靖三十三年倭入寇知縣楊

正倡議增築高三丈二尺厚一丈八尺長一千八十四丈五尺又為四門月城及敵樓敵臺窩鋪三十六年知縣曹一麟覆以甃

國朝順治四年知縣李承尹修康熙四年知縣劉定國復增修城樓為堞二千三百五十一窩鋪箭臺俱三十六砲臺四并濬外城濠深倍於昔雍正七年知縣徐永祐修震澤縣由吳江分出與吳江縣同城自東水門而北至西水門為境

松江府

府城元末張士誠據吳時築明洪武間因而葺之
周九里一百七十三步高丈有八尺濠廣十丈深
七尺門四東曰披雲西曰谷暘南曰集仙北曰通
波門有樓樓外為月城城倚九峯面黃浦左大海
而右三江上建敵臺窩鋪雉堞三千三百八十九
嘉靖間知府方廉萬厯間華亭知縣王廷錫聶紹
昌崇禎時知府方岳貢相繼修築

國朝康熙二年霖雨傾圮巡撫韓世琦提督梁化鳳率屬捐修舊堞併三為一府城西門外有西倉城周二里高一丈八尺陸門四濠廣六丈深三尺餘嘉靖間築以衛漕糧萬厯中知縣章允儒崇禎時知府方岳貢相繼增修

國朝順治十五年奉

旨准官收官兌按圖增造倉廩數十間於水次以便小民交納焉

華亭縣附郭 柘林城明嘉靖中以倭警巡按尚
維持建議築周圍四里高一丈八尺門三池深一
丈五尺闊十丈

國朝康熙十三年修二十二年上海知縣史彩重葺
奉賢縣府城東九里有青村城明洪武十九年
安遠侯築周六里高二丈五尺門四各有樓外有
月城永樂中都指揮使谷祥增修萬厯間巡撫趙
可懷修濬池深一丈六尺闊十丈

國朝康熙十三年重修二十二年華亭知縣南夢班重葺雍正三年分華亭設今縣以青村城為治九年署知縣舒慕芬重濬城濠

婁縣附郭縣在郡治後城中專屬華亭

金山縣府南七十二里有金山衛城明洪武十九年安遠侯築周十二里三百步高二丈八尺廣二丈門四環城有池深丈有八尺廣十二丈永樂中都指揮使谷祥增高五尺萬厯間巡撫趙可懷崇

禎時知府方岳貢相繼修濬

國朝康熙十三年重修二十二年婁縣知縣史彬重葺
城舊分隸華婁二邑雍正三年分婁縣為金山縣
建治城中得舊屬婁邑之西南半壁焉

上海縣明嘉靖間知府方廉因倭亂築城圍九里
高二丈四尺門大小凡六堞三千六百有奇濠廣
六丈深一丈七尺同知羅拱辰於四門益以敵樓
箭臺環濠為土牆萬厯中知縣許汝魁奉檄城加

五尺間小南門水關引薛家浜水以通市河民利
賴焉後知縣徐可求劉一壙相繼甃石

南匯縣郡城東北百二十里有南匯城本金山衛
之分署明洪武十九年安遠侯築城圍九里百三
十步高二丈二尺門四各有樓永樂中都指揮使
谷祥弘治初指揮使翁熊萬厯中巡撫趙可懷俱
重修池深一丈四尺闊十丈

國朝康熙十三年重修二十二年上海知縣史彩重葺

五十七年郡同知鄭山督修

青浦縣明萬曆二年知縣石繼芳創築城周圍一
千三十丈高二丈三尺堞一千七百一十五建敵
樓窩鋪門樓六旱門五水閘三濠廣三丈深一丈
國朝雍正七年知縣楊鳳然九年知縣魯弘璋修葺
福泉縣雍正二年由青浦縣分出得城之東北

常州府

常州舊有羅城後唐天祐間築明洪武二年中山

侯湯和改築新城於其內視舊狹五之三周圍十里二百八十四步高二丈五尺廣二丈甃以磚石門七東曰通吳南曰德安西曰朝京北曰青山次東曰懷德次南曰廣化次北曰和政門各有樓水闕四池深二丈闊十六丈成化十八年巡撫王恕奉朝命檄知府孫仁修其傾圮以巨石重甃之加高三尺壯麗增於舊觀正德間知府李嵩嘉靖中知府金豪萬厯時通判趙堪相繼修葺

國朝康熙九年知縣張令望重修垣堞雍正八年知府

包括修葺城門水闕

附

明李東陽常州府修城碑

記

凡藩部衛所所治必建城郭以宿兵守民防禦奸究國家重熙累洽百五十年武備寔緩城不

時葺識治體者必先馬常州府古毘陵郡為南都肘腋吳越喉襟地最要且自晉太康初已有城唐天祐間增置外郭歷代以降修廢不常我太祖下江南命中山侯湯公和以重兵鎮之始於郭內改築今城周十里有奇既久為霖潦所壞成化間知府孫侯仁修之輒復壞字因之令視為虛文止德辛未冬渤海李侯萬來知府事首議修築時北方葺盜出沒幾省間城郭弗豫者多嬰其害江南遠在數千里外咸謂侯為過計侯曰城固當修修必豫備雖勞吾民亦佚道也吾與樂成耳乃白於巡

撫都御史王君楨巡按御史原君軒巡捕御史楊君鳳皆以為宜侯丞令於衆第產賦金量力投役刻日定籍丈度尺計分工而並作聽政之暇躬蒞共勤惰而懲勸之袖款為完益早為宗師甚為新垣築堅厚廉角峻雙樓捲扉開闔深壯麗而又濬隄浚池架梁成達凡為城之事罔不備具越三月而告畢居者櫛比行者輻輳萬目改視千夫增氣吏慶於官士頌於庠民歌於野皆幸其功之成而猶或以為無大指蓋者居無何北盜為王師所迫舍騎入舟上湘江漢承汎而下趨鎮江踰孟清急攻江陰東南之民安於富庶不習兵革流言夜驚危不自保侯以完城付寮屬暨兵衛曰是足以守吾任其戰躬帥吏士民兵拒於江謀畫內定勇敢外倡厚為募賞而嚴其不用命賊方會利肆志藐如無人不虞其遽出也我兵恃城為本倚守為命無不一當百捨其醜若干人賊引而退月餘再至

將殊死戰間侯復出竟不敢逼西奔於狼山會提督軍務都御史陸君完移兵江南以舟師蕨而殲之事遂大定向之或者始相率而語曰我侯之力斯城之功也蓋常之屬邑有五而江陰當盜之衝其去郡治不啻百里使當是時城不固則守不敢出出必不能展布心力以收成功今一城修而闔境無事旁至吳越諸郡皆安堵貼席菽免於驚擾之患是其所係宜細故哉天下之事恒壞於因循而成於豫備使為郡縣者皆能先事而虞貞固而幹乘高據深披堅執銳固守而力禦則保障之利天下共之彼蕞爾之寇猝然之變豈至燎原而焚石然則斯役也雖無所試吾固將與之况其明效顯驗綽綽如此哉且民保於城城保於德宮恃陋而不修城魯恃城而不修政春秋皆譏之季侯之修蓋有不徒然者常之大夫士僉謂不可無所託述以示來世台州府同知武進殷君鑑予中表之

鄰也。以侯予禮部所舉士。寓書於工部郎中無錫顧君可學。上京師。湖廣布政司參議江陰夏君從壽亦予所舉。道其事。尤詳。因為文及詩。寓而歸之。俾刻焉。侯歷監察御史。有聲其為。鄰治行。茂著。比以禦賊功。加祿三品。佐斯役者。為同知羅璋。通判陳碧。溫應璧。謝思道。推官粟登。故并書之。而諸執役出力之名氏。則列之碑陰。其詩曰。有城巖巖。有池潭潭。大江之南。築之隆隆。浚之溶溶。郡侯之功。侯之始謀。有廢必修。其民咻咻。侯心不移。為所宜為。曰匪吾私。澤流令行。既經既營。不日其成人。蕃物華中。孽以牙於江之涯。兵強勢尊。賊徒既奔。我城固存。矧此一方。維城戢戢。壯哉山河。侯功不磨。

武進縣附郭

陽湖縣附郭雍正二年由武進縣分出自東水關

而北至大北門境長三里有奇

無錫縣城在梁溪東相傳宋乾興中縣令李晉卿
因舊址修築元明疊加繕治至嘉靖間圯知縣王
其勤更築之周一十八里高二丈一尺甃以磚石
陸門四水門三池深二丈闊一丈七尺

國朝康熙七年知縣吳興祚重修其後知縣曾子駒徐
永言相繼繕葺

金匱縣與無錫縣同城而分東之半為境計長九

里

江陰縣舊城建于楊吳後燬元末復繕治明初增築為門四後圯正德中知縣黃鉞修築土城周九里有奇高一丈五尺厚如之女牆高二尺五寸嘉靖間知縣毛鵬錢錚金柱相繼修築盡甃以甃池深七尺闊四丈二尺又楊舍堡城在縣東七十里楊舍其地濱江扼要舊無城明嘉靖間屢有倭患三十七年巡按尚維持疏請建城周六百餘丈高

二丈三尺門四水關一崇禎時增修敵臺窩鋪九十六座

宜興縣舊城創於孫吳赤烏六年城陽羨即此明初改築永樂中益展拓之周九里三十步高二丈五尺門四各有樓池深一丈五尺闊三丈餘荆溪縣與宜興縣同城而分其東之半為境

靖江縣元末張士誠將徐太二始築土塹明成化十三年知縣張汝華修築為城周七里四十步高

一丈八尺門四嘉靖中知縣汪玉甃以磚石城樓
雉堞始備知縣應昂復築甃城加城高三尺池廣
六丈五尺深一丈八尺

鎮江府

鎮江古有京城吳有鐵甃城又有東西夾城建於
唐俱詳古蹟唐乾符中潤帥周寶更築羅城二十
餘里宋元因之明初元帥耿再成因遺址重建指
揮宋禮奉勅甃以磚石周九里十三步高二丈六

尺門四東曰朝陽南曰虎踞西曰金銀北曰定波
水闊二其池自西至南通漕河自北至拖板橋行
舟楫萬歷中城垣周遭加高三尺

國朝康熙元年鎮海大將軍劉之源重修

丹徒縣附郭

丹陽縣故城久圯明嘉靖三十四年知縣陳奎重
築今城周九百七十九丈高二丈二尺門四居民
以為隘巡撫張景賢令於城外拓之知縣史永壽

增築馮為門五水關二池寬八丈有奇萬厯中知縣周應鰲重濬

金壇縣舊城唐長壽元年築歲久湮圯明正德七年知縣董相重建土城周一千二百四十二丈高二丈門六并水關皆甃以石已而知縣劉天和以閘基不固改築之嘉靖中知縣趙圭甃以甃疊石為基周二百三十四丈四尺高二丈六尺池深廣各丈許萬厯間知縣許弘綱復改築兩水關高

廣各倍於昔天啟四年大水城東圮百餘丈知縣
楊錫璜修之

國朝順治初知縣胡延年康熙中知縣康萬寧李暉俱
重修

溧陽縣南唐昇元二年始築土城周四里許河貫
城中宋建炎中西拓青安草市加廣二里建門五
水門二明初命將士修築仍其舊址而界新安草
市於外又命部使郭景祥石甃之周九百丈有奇

高二丈七尺厚二丈八尺濬池深丈餘廣五倍四
門外復增置瓮城弘治九年知縣符觀以南城逼
泮宮徙築河塹以廣之嘉靖間增設堡屋修葺女
牆月城

淮安府

淮安有三城舊城創於晉南宋時地為重鎮守臣
陳敏重築之稱為銀鑄城明初增修始以甃甃偏
置樓櫓周十一里高三丈雉堞二千九百九十六

門四東曰觀風南曰迎遠西曰望雲北曰朝宗其
北一里曰新城舊為北辰鎮地元末張士誠偽將
史文炳嘗築土城於此洪武十年指揮時禹建以
磚石周七里二十丈高二丈八尺為五門二城之
間曰聯城俗所謂夾城也嘉靖三十九年漕運都
御史章煥題建東城長二百五十六丈有奇西城
長二百二十五丈有奇萬厯中復加厚增高而後
三城之平如一其城濠表裏相通達於運河

山陽縣附郭

阜寧縣雍正九年分自山陽鹽城二縣治郡東北
一百五十里廟灣城

鹽城縣宋紹興乾道間始築土城明永樂十六年
指揮楊清千戶馮善始易以磚周七里一百三十
四步高二丈二尺厚如之池深九尺嘉靖間檢校
祝雲鶴署篆重修初城止有東西及北三門萬厯
中知縣楊瑞雲始建南門居民便之

清河縣元至元十五年築土城周六里惟立東西
北三門有枕小清河今僅存遺址

安東縣舊城俱圯明弘治十五年知縣郭韶於遺
址築土圍建更樓四所設門啟開萬厯中知縣詹
道溥增築為土城天啟初知縣劉君聘奉詔興建
周八里有奇高二丈四尺門四

國朝康熙七年水圯修葺

桃源縣元至元間始築土城明正德六年知縣李

廷鵬因舊址修築周三里高一丈五尺門四池深
一丈嘉靖間知縣龍復禮重修設瀉水洞三崇禎
五年知縣龔爽增築女牆置雉堞以磚後因河決
地震城遂堙廢

揚州府

府城自吳王夫差城邗楚王熊槐城廣陵始其後
歲久殘毀周世宗命韓令坤別築新城宋高宗南
渡詔呂頤浩修揚州城周二千二百八十丈蓋即

古城遺址也明初僉院張林守揚州以宋城太大
改築西南隅周九里七百五十七丈五尺高三丈
厚半之門五南曰安江北曰鎮淮西曰通泗東曰
寧海東南曰小東俱有甃城樓櫓雉堞警鋪敵臺
相望南北水門二是為舊城新城則創於嘉靖丙
辰以倭患用副使何城等議築之西接舊城周十
里千五百四十一丈九尺高厚與舊城等七門南
曰挹江鈔關在焉又南為便門東南曰通濟東曰

利津東北為便門北亦曰鎮淮後改廣儲又北曰
拱辰南北即舊城濠口為二水門東南即運河為
濠北濠引水注焉萬厯中知府吳秀郭光浚池增
城堞敵臺

國朝順治四年知縣郭知遜十八年知縣熊明遂雍正
四年知縣王元穉七年知縣陸朝璣相繼修葺
瓜洲城在府南四十五里大江之濱宋乾道中築
後圯明嘉靖間復築城東西跨壩周一千五百四

十三丈有奇高二丈一尺厚半之門四便門一

江都縣附郭

甘泉縣附郭雍正九年由江都縣分出

儀徵縣宋乾德中築城周一千一百六十丈嘉定

中郡守豐有俊袁申儒復相繼築東西翼城明洪

武初知州營世寶同知戈文德因其舊址增築之

周九里二百四十六步高二丈四尺雉堞三十六

百二十有奇建城樓四戍鋪四十有三是為今城

嘉靖三十五年知縣師儒每門甃甃二十七丈有奇高與舊城準下闢重門捍禦稱便

高郵州有新舊二城今城即宋舊城也周十里三百十六步高二丈五尺闊一丈五尺門四濠塹環之地形四面下而城基獨高狀如覆盂故名孟城開寶四年知軍事高凝祐築淳熙十三年郡守范嗣蠡建樓於四門開南北二水門通市河開禧中增以重濠元時知府李齊修築明洪武時復甃以

磚墼設櫓堞嘉靖間知州趙和補其卑缺後知州
劉峻請於撫按州修其七衛修其三城益固

國朝順治十五年知州吳之後雍正二年知州張德盛
俱葺之其新城則宋咸淳初揚州制置使畢侯築
在舊城東北二門外

興化縣宋寶慶元年縣令陳垓始築土城周六里
一百五十七步明洪武五年千戶郭德蔡德劉人
傑以磚更建高一丈八尺內外環水為濠嘉靖間

城漸圯知縣胡順華修築視舊加高一丈厚四丈
為門四各有樓浚池廣二丈五尺深一丈萬厯中
知縣翁汝進復培土增厚並置四水閘石闌以防
水患

國朝順治十二年知縣任登級繕修城樓雉堞

寶應縣宋嘉定間縣令賈涉始為土城元至正中
僉院蕭成增築之甃以磚周九里三十步明初城
夷為民居嘉靖中以倭警巡撫李遂檄副史劉景

韶重築城周一千四十餘丈高二丈門五水閘一
敵臺八

國朝康熙七年地震圮其東南知縣孫蕙修築

秦州南唐刺史褚仁規始築羅城二十五里周顯

德中圍練使荆罕儒增子城於東北隅更築羅城

合西南舊城周十里即今城是也宋建炎中通判

馮尚增修甃其外為四門紹興初城圮端平後州

守許堪別創堡城於湖蕩沮洳中去城五里曰新

城元末張士誠據新城明初復修舊城尋建州治
新城遂圯今城周二千三丈二尺高二丈七尺門
樓四水關二池廣五十二丈袤二千三十餘丈為
防海要害萬厯中水患傾圯州守譚默修築

國朝康熙十三年知府金鎮知州嚴愈重修 海安城
在州治東百二十里周三里三十步甃甃表裏明
常遇春築以屯兵後圯嘉靖間巡撫唐順之暨海
道劉景韶重建土城六里許

徐州府

徐州城建於六朝宋時王元謨嘗稱城隍峻整宋
蘇軾金完顏仲德俱增築明洪武初壘石甃甃周
九里有奇高三丈三尺廣亦如之三面阻水即汴
泗為池獨南可通車馬門四東曰河清西曰通汴
北曰武寧南曰迎恩萬厯中副使舒應龍知州劉
順之環城增護隄以防河患副使陳文燧開支河
以洩城中積水崇禎時副使唐煥叅議徐標相繼

修葺

國朝順治十八年兵備項錫印大加修濬三載始竣康熙七年圮重葺

銅山縣附郭雍正十一年新設

蕭縣古城在縣治北宋時河決水沒乃築南城歲久圮明正德十一年知縣王隆即遺址增築外甃以石周四里許為門四萬厯初沉於水知縣伍維翰遷於白茅山麓畧具垣墉崇禎時被流寇殘毀

國朝順治五年知縣祖永勳始補築康熙四年知縣沈大觀益修治而新之

礪山縣明正德八年知縣李金始築土城周百六十八丈高九尺五寸外護以隄嘉靖以後因水溢衝圯萬曆二十八年知縣熊應祥遷建於舊治西里許周八百四十丈二尺高一丈五尺廣三丈門四各有樓隍深一丈廣五丈四十八年知縣蔡一熊改建磚城崇禎時知縣劉芳復加修濬

國朝康熙三十七年知縣柴爾皓修葺

豐縣舊有土城周九里明正德中知縣裴爵環城
築堤以防水患嘉靖五年黃河決城陷知縣高祿
遷於華山之陽三十一年知縣徐冀從民便還舊
治築土城周一千九百八十四步高二丈餘門四
後知縣胡又心增築護城堤萬厯中知縣費思箴
始傅甃石增樓櫓雉堞知縣戴一松以河決益修
築護城堤加高廣崇禎九年知縣方遶偕於四門

各建子城

國朝順治二年署縣事胡增光於城角外建砲樓四五年知縣閻瑤增女牆二尺城外堤上復築土城凡數百丈開濬池隍而架以木橋重城巨壑遂稱險固

沛縣古城久堙明嘉靖二十二年知縣王治創築土城周五里高廣各二丈隍深廣如之為門四知縣周涇繼之壘石甃甃高廣視舊有加萬歷中知

縣倪民望符璽等修浚後圮於水知縣李汝讓整葺修築護城堤 夏鎮城在縣治東北四十里新河西岸萬厯中工部主事楊信徐繼善築門四各有樓城外有濠西南有護城堤 邳州明洪武中指揮王恒因舊城址築周五里有奇西南二面阻沂泗正德中知州周尚化增築西北東南二隅嘉靖間知州陳柏重修

國朝康熙初水濫衝圮二十九年知州孫居澍楊州同

知馬驤奉

奇於艾山改建周五里十三步高二丈八尺悉以甃門
四東曰先春南曰來薰西曰迎爽北曰拱極各有
樓雉堞一千五百一十有一其北枕山東西南三
面因深為池護以重堤

宿遷縣明正德初知縣鄧時中創築土城南自新
溝北至馬陵萬厯中與河岸俱圯知縣喻文偉遷
建於馬陵山去舊治北二里城周四里許高一丈

五尺門四後多損壞知縣趙敬賓孫湛莫應奎聶
鏞相繼修補萬厯甲午知縣何東鳳易以甬甃
睢寧縣舊有土城明正德中知縣王蒼建嘉靖間
知縣陳嘉畧甃以石隆慶初圯萬厯十三年知縣
申其學重築周五百七十六丈五尺高一丈八尺
門四外甃磚石內實土泥其後屢經水患衝沒蕩
然崇禎十一年知縣高岐鳳重加修築

國朝康熙三十九年河決傾圮大半五十六年知縣劉

如晏修築西北石城六段

太倉州

太倉舊設木柵元至正十七年張士誠遣其將高智廣築今城周十四里五十步高二丈廣三丈門七曰大東曰朝陽曰大南曰大西曰小西曰大北曰小北門樓七警鋪六十有六敵臺二十有八水門四周有池池深一丈五尺廣八丈六尺

鎮洋縣雍正二年分州城之朝陽門大南門小西

門以為境

崇明縣自元至明城凡五遷萬曆十一年知縣何懋官卜遷於長沙李大經繼之遂築今城周四里三分高二丈厚一丈門五池闊十八步後知縣莊尚稷加高三尺

國朝順治十六年遊擊王龍知縣陳慎修十八年總兵張大治塞舊濠築土城於外周六里高二丈八尺外鑿新濠闊二十餘步康熙十四年提督劉兆騏

甃外城五門各建有樓

嘉定縣宋嘉定十二年縣令高衍孫築土城元至
正十七年張士誠遣其將呂珍重築始用磚石周
九里為門四入明漸圯其後屢築土牆以資捍禦
嘉靖三十二年倭警知縣萬思謙以土堞難守改
甃以甃知縣楊旦繼之重甃加高建城樓改置雉
堞敵臺守鋪之屬城周二千二百六十六丈高二
丈九尺廣五丈濠廣十三丈深一丈

國朝順治中知縣查逢盛劉弘德康熙中知縣余敏趙
昕相繼修葺 寶山城在縣東南與上海縣接壤
明萬曆七年築周三里高丈有八尺設兵守禦

國朝康熙十三年督撫諸臣 題請捐修二十二年嘉
定知縣間在上重葺三十三年常熟海防同知李
繼勳重修城垣四門三百六十丈五十八年復葺
之

寶山縣在嘉定縣東南四十里有吳淞城明洪武

十九年滎陽侯鄭遇春築周五里有奇嘉靖初東北漸傾兵備副使王儀於西南一里更築土城後遂以舊城為教塲土城仍甃磚石周七百二十丈高二丈四尺門四池廣六尺深一丈

國朝康熙初知縣潘師質趙昕修十三年重修二十二年嘉定知縣聞在上重葺雍正二年改為縣治

海州

海州相傳舊有東西二城元季皆圯明洪武二十

三年千戶魏玉等因西城故址築土城永樂中千戶殷軾砌以磚石周九里一百三十步高二丈五尺厚如之門四東曰望孔西曰通淮南曰胸陽北曰臨洪池深六尺其後知州吳必學鄭復亨周燧楊鳳劉夢松等相繼繕葺

蕪榆縣舊有土壘元至正二十四年平章王信修築周四里有奇明洪武初知縣郎廷珪正德中知縣馮澤增修後淮安知府薛蓋以邑為郡東北蒲

蔽護甃以磚而未行至萬厯十五年知縣樊兆程始經營竣事周六百七十一丈高二丈廣稱之池深闊各二丈崇禎十年知縣徐維翰甃南北月城國朝順治初知縣穆爾謨濬池益深康熙七年城圯後知縣余廷瑞巡檢李英修葺

沭陽縣明正德七年知縣易瓚始築土城其後屢遭河患萬厯二十年知縣徐可達議甃以磚至四十四年知縣杜從心始訖工城周八百四十五丈高

二丈厚如之有東西南小南四門而無北門崇禎十五年知縣劉士璟加高雉堞環城鑿池

國朝康熙十三年知縣張奇抱以城多震塌修復加堞

通州

通州城周顯德六年靜海制置巡檢副使王德麟始築土壘繼復甃以陶甃周圍六里七十步為門三宋建隆中設戍樓寶祐中賈似道增築甃城明初守禦千戶楊清姜榮相繼修築設三釣橋又開

三水關以通市河嘉靖三十四年知州翟澄浚為
深濠匝以穹堤隆慶二年知州鄭舜臣重加修治
是為舊城萬曆二十六年知州王之城以備倭請
築新城南以望江樓為門北抵舊城延袤七百六
十丈高一丈九尺然外雖甃石以成內實沙土靈
雨易傾頗煩修築

國朝屢加葺治 海門鄉舊為縣猶有遺址明嘉靖三
十三年築城周圍五里三分高二丈五尺門四各

有成樓水關池廣六丈

國朝康熙十一年為海水所圮縣省入通州

附

元周衡

修城記

昔周世宗以顯德五年遣師擊南唐南唐主盡獻江止地明年始築通州城而甃之

宋高宗南渡其臣呂祉以為通州與平江崑山縣福山對岸趨順風不半日可至須預為之防於是置水軍起訖浦以至顧涇由此言之則通實平江襟喉為今要害抗拒之地而其城築視他處尤所當先者也定遠大將軍李侯天祿以至正十六年統兵作鎮念城久廢欲事版築深惟民力自兵興之後有所弗堪迺經營計度水甃灰石積之於漸起丙申春三月遷己亥春迺始鳩工命材從事積幹畚鍤而副元帥陳忠又為之協力贊襄於是枵築應和工力堅密遂為名城屹然金湯為國藩屏

矣侯其有見於設險守國之義乎侯天挺英邁取
軍牧民思威竝著通之民咸願紀侯之美以為非
勒之金石無以章示永久乃元袁浩州治譙樓碑
請於衡衡因不辭而為之記

銘

夏漏之制尚矣肇造於黃帝宣於夏殷備於周
始立挈壺氏掌之鑄銅為壺中實以水竅壺為

漏浮箭為刻以候中星早晏驗晝夜長短後世遂
廣麗譙嚴鐘鼓宵餞寅於暘昧啟閉戒於扃鑰四
時盈縮兆民作息實賴乎此非為華侈雄偉而作
通故楚地宋淳熙間始建於州治之南崇臺扁鼎
華棟審舉烽燧夜禁唯謹混一以來為鬱攸所燬
自至元丁丑將及一紀分郡符提戍兵者一無所
問更鼓刻漏無節民未便之丁亥秋太守朝請大
夫許昌馬公毅下車未幾百廢具興賸斯樓草創
謀諸僚寮將有事改作監郡奉政大夫呼圖克和卓
同知州事忠顯校尉馬公判官承事郎張處恭從

事濠梁孫君天麟皆力為張主互督是役不遑啟
處編氓之好義者予來而從仍整壘之舊晉為樓
凡四楹輪奐葦飛泉桐壯嚴俾司晝夜主刁斗之
士居之前鎮通萬夫長安遠大將軍張公鼎與守
郡萬戶昭信范侯應純暨十夫長莫不樂為捐俸
以助不給新鼓聲建旗幟鑄壺滴置籌箭弛者張
而廢者舉焉經始於仲春初吉落成於季秋九日
既僦工郡老謂宜刻銘以垂永久求文於余辭終
弗獲洪惟國家奄有區宇頒朔授時一準古制內
設太史院外立陰陽學晝夜百刻各有攸職京圻
而下神州赤縣咸立譙樓傳夜漏鳴宵柝使民朝
作暮息而鼠竊狗偷者不得肆其欲矧通在揚東
南之極金城千里瀟瀟江海為險要控扼之地哉
是舉也誠所謂起廢墜於久湮成不朽於將來其
賢不在庶范寇恂下同宜紀之銘曰陰陽之道日
月代明晝凡六時夜分五更誰其伊始曰公孫氏

三代而下制作大備壺窾下通漏箭量刻誰其尸
之挈壺是責以驗中星以定昏曉陳厥金鼓是曰
麗譙維此通城僻臨江濟民俗淳厚素稱樂土漏
刻有壺譙樓有城主司不謹燬於離明龍集己丑
功成不朽垂十六年緒始克就廢興有數為陵為
谷人存政舉無往不復郡僚經始元戎作成庶民
子來舊貫斯仍垣墉闔義娥代謝禦暴干城承
平晝夜子翼借留叔度來暮民極雍熙皇圖鞏固

如皋縣舊無城明嘉靖十三年知縣劉永準始作
六門三十三年苦倭患邑人李鎮等建議築城周
七里高二丈五尺城樓四水關二池深一丈二尺
廣十五丈知縣陳雍董其成萬厯中知縣王以蒙

築月城張星築敵臺

泰興縣宋舊城毀於寇紹興間縣令尤袤更築土城後亦圯明弘治間知縣原秉忠立四門嘉靖三十四年知縣姚邦材奉詔築城周七里高二丈五尺門五池環其外深一丈闊五丈其後知縣許希孟增設重門萬厯中知縣陳繼疇建敵臺浚池

江南通志卷二十

欽定四庫全書

史部
江南通志卷二十一

詳校官給事中臣丁雲錦

檢討臣德生覆勘

總校官編修臣王燕緒

校對官中書臣葉莢

謄錄貢生臣李應圖

欽定四庫全書

江南通志卷二十一

輿地志

城池二

安慶府

府舊城即今潛山縣城地也通典云楚靈王所建
歷代因之宋嘉定十年黃幹知安慶府以金兵破
光州請諸朝徙城於盛唐灣宜城渡之陰去舊治

百四十里其城北負大龍南瞰長江東阻湖西限
河周九里一十三步門五東曰縱陽東南曰康濟
南曰盛唐今改鎮海西曰正觀北曰集賢元至正
丙申守帥余闕增高至二丈有六濬重濠三引江
水環繞明洪武庚午指揮戈頤重修濬池深至一
丈嘉靖辛丑知府吳麟於城內周圍加甃以甃天
啟癸亥知府陳鏞通判歐陽騰霄大加修葺崇禎
乙亥知府皮應舉補其傾圮知縣黃配元續砌周

城馬道北關一帶增高雉堞建敵臺濬舊濠其後
五城樓燼於兵火

國朝順治二年知府桑開第重建七年夏淫雨城圯操
撫李日芄知府王廷賓知縣賈壯修補復故十七
年操撫宜永貴重修女牆合舊四為一設立窩鋪
以備守禦康熙四十九年巡撫葉九思修築

懷寧縣附郭

桐城縣舊有城相傳為隋同安郡故址門四有樓

宋末徙治擬陽又徙池之李陽河元時始還舊治
城久傾圯明萬歷丙子知縣陳于階建磚城周六
里門六崇禎乙亥知縣楊爾銘重加修葺更設窩
鋪炮臺壬午知縣張利民以北山有臨下之勢於
北門增建月城計十有八丈

國朝康熙九年雨圯知縣胡必選修葺雍正十年重修
潛山縣舊城即府治故址久圯明季兵備道史可
法知縣柯支柱建城備寇工未竟而罷

國朝順治六年操撫李日芄與副將梁大用知縣鄭適
元築土城收縮西南由高營壩至同安橋與東北
舊址接康熙五年知縣周克友復修城之東北接
於西南舊址五十八年知縣段舒改築西南門
太湖縣土城周七里環城有池深廣各丈餘門六
有樓明嘉靖中知縣王良卿修萬歷間水漲東北
成河崇禎丙子知縣楊卓然建磚城避水患收縮
止周六里甲申知縣李盛英修尋經流寇洪水六

金匱縣志卷之三十一
門傾圮

國朝順治五年知縣李世洽修康熙五年雨圮北城知
縣羅綺修十一年雨圮西城知縣王崇曾修十三
年知縣方人龍建東北兩城樓十九年知縣章時
化修東西兩門

宿松縣明崇禎乙亥知縣苟天麒始築城址外垣
門六尋經寇燹工遂廢

國朝康熙十一年知縣朱維高建懸樓二十座以備守

禦二十二年知縣朱卷復造大小東門及北門城樓五十八年知縣李泰葺化龍門

望江縣明萬歷乙亥同知蹇達署縣篆始建四門咸有樓周六百二十六丈崇禎乙亥知縣黃配元增高已卯春雨圯知縣祝維嵩補築未及半流寇驟至守將戚國泰躬為負石五晝夜工成

國朝順治六年知縣王世印重修城樓康熙五十三年知縣馬駿改建東南門

徽州府

府城在烏聊山麓唐汪華築東半抱山西半據平麓歷宋至元代有修補明初總兵鄧愈加築周九里七十步高三丈二尺廣一丈五尺東西北三面有濠闊二丈四尺深一丈二尺南及東南以山險無濠為門五東曰得勝西曰潮水南曰南山北曰鎮安東北曰臨溪自北門而東至南門為敵樓七門外各設兵馬司房窩鋪三十有三嘉靖四十五

年知府何東序增修加高三尺又建南山鎮安二
門月城增築西門外敵臺

國朝康熙二十一年薇寧道黃懷玉知府林國柱修葺
歙縣治舊在郡城外無城明嘉靖三十三年倭入
寇知縣史桂芳始議建城周七里有奇高三丈廣
二丈西南以郡城為屏蔽餘三面皆山不池而險
為四門門側各有連弩之臺守陴之舍二十有四
瞭望樓二所

休寧縣宋始城周九里三十步為六門元仍舊明
堙嘉靖三十五年知縣林騰蛟建議重築周九里
有竒高二丈廣如之北踞天祿山東亘東山之巔
南臨汶溪西臨夾溪門有七城外引水為池後令
潘清亶竟其緒

國朝康熙二十一年知縣俞獻修葺

婺源縣南唐時建治於弦高鎮挾深溪為險檢校
司空劉津始築城周九里三十步二門宋因之元

時立木柵四門明初樞密院判汪同復因遺址為城周五百三十餘丈後坍塌嘉靖間知府何東序通判馮叔吉議建石城俯瞰繡水旁臨杉潭為門四俱有樓有月城又為小門亦四計長九百餘丈又太白圍牆在婺源縣南七十里太白潘村地接鄱湖屢被寇害明嘉靖二十九年以里人奏請奉詔築周五里有奇

祁門縣宋始築土城周五里四門明堙嘉靖間知

府何東序檄知縣桂天祥營築周一千六十丈高二丈廣一丈三尺建五門西北因山為固東南倚河為池

黥縣宋築土城周二里六門明堙嘉靖中知府何東序通判何叔吉重建甃以磚石周七百三十餘丈高二丈廣一丈二尺為門五皆有樓西南環以高岡東北以大河為池崇禎七年增築月城

國朝知縣竇士範江旣入曹振邦王景曾前後相繼修

葺

績溪縣宋築土城周五里元因之明堙嘉靖間知府何東序檄知縣郁蘭改築周八百四十一丈高二丈廣一丈三尺為門四俱有樓以大河為池

國朝康熙十一年知縣劉滋修葺

寧國府

府城初創於晉內史桓彝隋開皇間刺史王選始大展拓之宋建炎三年郡守呂好問繕修元至正

中廡訪使道童重加甃甃城高二丈五尺厚三丈
周延九里一十三步門五東曰陽德東偏曰泰和
南曰薰化西曰寶成北曰拱極西北據山阜東南
跨原隰宛句二水合流不經疏鑿明知府鞠騰霄
宋獻葉錫益飭治焉舊堞一萬三千有奇崇禎時
知縣梁應奇併三為二今共八千九百七十塼原
鋪一十三所今計增設一百二十九所

國朝順治中知府管起鳳秦宗堯知縣王同春修築康

熙七年東南隅城圯知府孔貞來修之十九年知

府王國柱知縣鄧性復加修整

附

唐韓熙載宣州

築新城記

粵自結繩初代爰申孤矢之威執玉已從遠設金湯之險逮至七雄開土二霸

粵在其或盟約未孚則崇百雉而以尊王室仇讐尚哉復嚴八禁而用保邦家由是九服畏威諸侯遠服式尚德德仍垂裕於後昆定鼎洪基啟重光於奕世及其素靈有國炎政披圖未嘗不廣樹藩防又司方面帶河阻險將制敵以平艱高壘深溝遂取威而定霸爾后五方分鼎六代乘龍歲皆高踞前規重席故乾難復寢肩靜析已無間隙之虞然波列郡通都常有磐石之固則知百王遺式歷代所因利用建侯率由斯道者也我唐中興三葉皇居再周貞觀不遠龍沈自若義聲騰於九有靈

光施於八埏國步已康而閭防益謹用張下武大
展惟圖載習五兵克載勅敵重營堅壁以制不庭
乃詔寧國軍節度使檢校太尉同中書門下平章
事都督宣州諸軍事宣州刺史濟南公築此新城
者矣公擢陰陽之秀氣合川嶽之上靈才為時生
榮不世出心堅鐵石氣激風雲森武庫之戈矛杜
私門之營壘負流丹之勇竟折銳以摧堅沉背水
之機必追奔而逐北義征不諛方圖烟閣之形功
濟多艱更鏤昆吾之鼎所以疊靡天爵頓擁隼旟
政理決旬仁風載路牙帳荷絕甘之惠編閭興來
暮之誼況寧國重藩宣城奧壤星分牛斗地控荆
吳扼天下之嚙喉作闕東之襟帶雄如侯甸必須
良將之籌謀勢壓江山實假崇垣之壯麗於是特
飛鳳詔命展金墉公乃選五稼豐登三農閒隙遂
敷心計因著上功是以將校呈規工徒獻藝士皆
樂往民以悅來荷長鍾以成雲陳豐畚而翳日因

高就遠以日繼時萬堞才成堅同石堡四門始畢
儼若玉闥爰自壬戌歲二月興役至癸亥年三月
畢工所築新城自金光門西北轉至舊城崇德門
東北角長五里三百三十三步從崇德門以南轉
至金光門東長四里二百三十步新舊城共長一
十里一百九十三步新築濠塹亦從金光門遶新
城轉透出大溪長八百九十四丈深三丈有餘造
成大樓八所其諸敵樓橋道等不可殫書公前在
京口日浚溝池崇壁壘洎移鎮撫復繕城隍凡標
準地形督責功力委蛇延袤必躬必親日入而休
曾無倦意牛酒犒士絲綸賞功士卒塗暨日月相
望公又釀醪醴黍犧牲三日一餉軍夫五日一享
將校由是萬民負畚咸悅豫以忘勞列校寒裳稟
威嚴而盡力其動也山迴地轉勢若奔雷其靜也
雨息風恬齊如剪紙數年之役期月而成觀其千
雉豐餘重門靜忽飛閣神行而贊漢璇題月照以

羅空層蒼翼舒雕楹虬躍高陴轟而山屹方攏豁
以洞開排畫楹以星攢下臨無地走長廊而雲布
橫射遙天而又別一帶之寒江自為天塹環千尋
之深洫宛是湯池固可藩屏皇居折衝萬里者也
懿哉乎城之為役也暫勞永逸旣不騫而不崩有
備無虞信可大而可久銘功勒石以播無窮其詞
曰於赫有命洪惟我唐中興奕葉三聖垂光玉猷
允塞靈眈孔章賢士在位猛士守方王公設險以
守其國重門擊柝以待暴客況此宣城國之閫闕
不有金湯何為控扼烈烈虎臣爰茲鎮牧廉問方
期仁風載沐寅承廟算允因玉燭遂度土工乃陳
春葦經之營之壘堞疏流萬尋澗引千堆雲浮石
堡玉闕鐵窰金甌雄加九服麗絕方州飛簷鳳舉
畫拱龍游疊碧駕兮霧合亘長雲兮翼舒何巨防
之可比現方城其茂如勒勲績於貞
石作藩屏於皇居癸亥歲十月五日

宣城縣附郭

南陵縣舊無城明正德間知縣胡文靖置四門嘉靖癸亥知府羅汝芳知縣邵永春始建周九百三十六丈二尺高二丈五尺厚三丈門四水關三萬歷九年知縣沈堯中增高三尺又於西北二門之中築臺增戍以二門相距遠也崇禎間知縣甘文奎重修

涇縣舊無城明正德中知縣鄭氣立三門嘉靖癸

亥知府羅汝芳知縣陳廷芝築周九百三十二丈
高二丈七尺厚三丈內外並甃以石門四水關二
城外有濠沿河舊建石堤萬歷丙申知縣陳大綬
又自西門至北水關重築石堤十餘丈崇禎間知
縣尹民興復修

寧國縣舊有城宋南渡後增築周五百一十九丈
高一丈五尺厚稱是三門元至正中白總管建北
門明洪武時塞北門正德間知縣王時正增建四

門城樓嘉靖間知縣范鎬更復三門

國朝雍正七年知縣劉鑑修濬

旌德縣舊無城元元貞中縣令王貞立四門後燬
明嘉靖間知府沈志言知縣趙在奉督撫檄始築
城周八百九十二丈高二丈厚一丈二尺門七皆
有樓內水門一

國朝順治十四年知縣王融康熙八年知縣李士竑雍
正八年知縣紀咸相繼重修

太平縣舊無城明弘治正德間知縣王雄朱守相
繼置五門嘉靖癸亥知府羅汝芳知縣顧鎰建周
九百丈有奇高一丈六尺厚稱是門五水關二西
北倚山萬歷丙子知縣張廷榜增築

池州府

府城相傳唐永泰間刺史李芄築黃巢破後刺史
竇滂修復之南宋知州李彥卿李思重趙炎陳卓
傅伯召葉永漸徐橋程宗仁相繼營葺嘉定中知

州史定之復於城外西偏築新城如偃月狀元堽
明正德十二年郡守何紹正建磚城西北仍舊址
而拓東南隅三百餘丈共周一千四百二十八丈
高二丈三尺厚倍之立門七南曰通遠南左曰毓
秀右曰鍾英東曰九華西曰秀山北左曰迎恩右
曰望京門各有樓有月城濬濠之堽為民業者萬
歷初兵備副使馮叔吉太守王頤復增而高之

國朝康熙十年通遠門大觀樓圮郡守樸懷玉貴池令

張應徽重建

貴池縣附郭

青陽縣舊無城明嘉靖四十四年邑令田登年始築周八百三十二步高二丈厚半之立四門各有樓及月城水關二萬歷十八年知縣秦應鸞加築城北隅高之

銅陵縣舊無城明萬歷三年兵備副使馮叔吉檄知縣姜天衢始築後令黃縉成之周七百丈高二

丈一尺厚一丈二尺立四門各有樓及月城後知
縣熊蓋臣改闕東門

國朝順治二年知縣蔣應仔劉曰義相繼修葺

石埭縣宋立土城明嘉靖四十五年知縣曾謹始
以磚甃之立門五各有樓東西水關二

建德縣舊無城明嘉靖四十五年知縣譚經始築
周五里高一丈八尺厚一丈立門四各有樓崇禎
十年知縣宛三奇增高四尺五寸

東流縣舊無城明萬歷元年知縣陳春築周三里
半高一丈八尺厚一丈立門五各有樓崇禎時知
縣許茂莘復增高三尺後圮

國朝順治六年知府梁應元知縣蘇弘謨修復

太平府

府城肇築於吳黃武間東晉太和七年桓溫重築
唐保大三年復高廣之高三大周十五里跨姑溪
河宋建炎中知州郭偉改築新城割姑溪於城外

減舊三分之一為今制周六里高三丈六尺厚稱
是門六東曰行春正南曰南津南左曰龍津南右
曰姑孰西曰澄江北曰清源明初屢有修治崇禎
十六年巡按御史鄭崐貞甃以青石四隅設堞樓
增高鋪五十一所沿城為濠由東南開渠引水作
新壩東北出水為梅莊牖以時啟閉水深而城益
高

國朝康熙中知縣寇明允高起龍繕修附明王世貞太

平府修城記

太平古金陵支邑也後稍進為郡與金陵俱倚天塹而固自金陵之為帝

者都而太平之人民田土兵衛不能當其十之一然實據其上游為之儲胥禦圍而制其命如古所謂左馮翊者當天下之割而且合北不得太平不可以窺金陵南不得太平金陵不可以守夫以太平之重若此而自開興二百餘年以來守土者安於平治之形而不暇省其城低庠使弱者憑二尋之矜不必羽而登也所覽僅表而母及裏匯不容軌土惡善漬不必淫霖而黎也萬歷辛巳壬午間莆田林侯來為守恤民隱搜吏弊興上風諸所以稱塞守狀良意顧以時周行睥睨間而憂之謂卒有不虞如柙櫛何即不救徂前人苟簡及瓜以俟後之君子彼復徂我將縣官何所賴哉而會治兵使者程公按部來與林侯翼合乃上侯議督撫中丞孫公江防中丞呂公巡按侍御陳公得報可為

其疏聞之上下大司馬大司徒議報可下中丞侍
御已復下程公程公下侯所與倅陳某當塗令楊
某規度所增築為堞者三千七百六十而贏其崇
二丈三尺而贏裏垣之崇一丈六尺而贏厚一丈
七尺而贏週遭為丈一千六百六十而贏所改飾
為麗譙者五為津關者三為戍廬者三百而贏計
直為中金一萬七千七百九十而縮謀之帑不足
則請諸郡減卒直八千四百四十餘金為之幹不
足則陳公以千金益之程公再以千金益之孫公
以五百金益之又不足林侯與楊令復率贖鍰千
金益之又不足則為勇爵賜級以勸郡人某某及
三千餘金益之林侯乃率厲其屬與士卒分功於
版築間蓋不閱歲而城成以書屬余俾記其事余
嘗憶易曰王公設險以守其國未已而又曰重門
擊柝以待暴客蓋取諸豫夫以大聖人而當取卦
尚象時夫豈有暴客之足虞而制為重門擊柝彼

所以待慕容預變之計周且遠也故曰縞有衣衾
終日戒又曰其亡其亡繫於苞桑若世宗朝寧不
亦重熙累洽哉一旦島寇卒起而大江以南佳麗
之地其無城者城而庠且薄者悉其子女玉帛以
餒寇三里之垣苟不至墮老弱荷擔而立乘高下
瞰賊目飽氣盡而走耳城之不可以已也如是今
幸臺察監司諸大夫與林侯合契而固太平不至
大損縣官帑雖曰齊民之力而善用之說以先民
民忘其勞咸相率赴事不歲而成百歲之偉功且
因以為金陵上游衛其事豈淺小哉雖然所謂有
形險也無形之險在黔首心林侯固已饒得之矣
請以是風俾今及後之君子毋忽諸則永永有賴
哉

當塗縣附郭

蕪湖縣古城宋建炎中隳明萬歷三年知府錢立
議建工未竣同知龍宗武繼之至九年知縣周之
翰乃完工

國朝順治十五年池太道宋之屏倡募重葺門五皆有
樓周五里高三大近城無濠惟長河一帶東匯涇
宣諸水經南城西達於江有自然之險

繁昌縣明天順中遷治後無城崇禎八年知縣羅
明祖始築十一年知縣張繼曾踵而成之十四年

知縣馮洪攷復加修葺置窩鋪城高二丈周六百四十六丈八尺門四東南西三面皆濠繞城址出

漕港入於江

國朝康熙十三年知縣梁延年修附宋曾鞏繁昌興造

記

太宗二年取宣之三縣為太平而繁昌在籍中繁昌者故南陵地唐昭宗始以為縣縣百四十

餘年無城垣而濱大江常編竹為障以自固歲輒更之用材與力一取於民出入無門關實至無舍館今治所雖有屋而庫禰破露至聽訟於廡下案牘簿書棲列無所往往散亂而不可省而獄訟賦役失其平歷七代為令者不知幾人恬不知改革日入於壞故世指繁昌為陋縣而仕者不肯來行

旅者不肯游政事愈以疵市區愈以索寞為鄉老
吏民者羞且憾之事之窮必變故今有能令出因
民之所欲為悉破去竹障而垣其故基為門以通
道往來而屋以取固即門之東北構亭瞰江以納
四方之賓客既又自大其治所為重門步廊門之
上為樓歛勅書置其中廊之兩旁為羣吏之舍視
事之廳便坐之齋寢廬泡涵各以序為廳之東西
隅凡案牘簿書室而藏之於是乎在自門至於寢
廬總為屋凡若干自計材至於用工總為日凡二
千三百九十六日而落成矣夏布道太初此令之
姓名字也慶歷七年十月二十三日此成之年月
日也始繁昌為縣止三千戶九十年間四聖之德
澤覆露生養今幾至萬家田利之入倍他壤有魚
鰕竹葦柿栗之貨足以自資而無貧民其江山又
天下之勝處可樂也今復得能令為樹立如此使
得無歲費而有巨防賓至不惟得以休而耳目尚

得以為之觀令居不惟得以安而民吏之出入仰望者益知尊且畏之獄訟賦役之書悉完則是非倚而可定也予知縣之去陋名而仕者爭欲來行旅者爭欲遊昔之疵者日已減去而索寞者日以富繁稱其縣之名其必自此始夏令用薦者為是縣至二十七日而計材以至於落成不惟興利除弊可法也而其變因循就功効獨何其果且速歟昔孟子譏子產惠而不知為政於戲如夏令者庶幾所謂知政者歟於是過子產矣凡縣之得令為難而得能令而興事尤難幸而事興而得後人不廢壞之尤難也今繁昌民既幸得其所難得而令又幸無不便已者得卒興其所尤難皆可喜而無憾也惟其欲後人不廢壞之未可必也故屬予記其不特以著其成其亦有以警也

廬州府

古皆土城唐廬州刺史路應求加甃焉城初據金
斗河為池宋乾道間郭振帥淮西以鎮大城小拓
其地跨河立水關二元末城圯僉事馬世德請發
公私錢十萬貫修之明仍其舊城周四千七百六
丈高三丈闊四丈門七東曰威武曰時雍南曰南
薰曰德勝西曰西平曰水西北曰拱辰四面濠俱
深廣二關上跨水西門下跨時雍門為金斗河流
出入之處正德中劇盜劉六等起知府徐鈺慮水

關難守築堞障之而導水為外濠以自固郡址西
高而東下蜀山雞鳴山土山諸水匯於水西門逕
城中金斗河每春夏水溢則東關受害為甚後知
府張瀚濬流以殺其勢知縣胡震亨建牖以防其
洄民便之

合肥縣附郭

附

元余闕合肥修城記

至正十一年
寇起淮南自

浙西江東西湖南北以及閩蜀之地凡城所不完
者皆陷合肥之城久圯倉卒為柵以守柵成賊大
至民賴柵以完其後命憲馬君至顧而曰以柵完
民幸也非所以固適白皇孫宣讓王及憲使高昌

公議修其城遂發公私錢十萬貫召富人之為千夫長百夫長者傭小民相所圮廢盡築之富人得官發錢無甚費咸喜助不足小民方餓得傭錢奔來執事鼙鼓不設鞭扑不施捧柴荷畚腐至競作自十三年二月朔戒事九月畢城四千七百有六丈六門環為睥睨設周廬具飾器門皆起樓櫓相盜所必攻者甃之計用木若干甃四百四十八萬用人之力七十七萬八千城成而盜不至者今期月矣余生長合肥知其俗之美與夫所不從亂而可與守者有三焉其民質直而無二心其俗勤生而無外慕之好其材彊悍而無孱弱可乘之氣當王師之取江南所至諸郡望風降附獨合肥終始為其主守至國亡乃出降天下既定南人爭出仕少不達則怨議其上而不可止吾合肥之民布衣蔬食秀者治詩書朴者服農賈婚喪社飲台坐數百人無一顯者無少疾怒不平之色驅牛乘耒難

鳴而耕朝而息日昃而耕暮而息不合耦而終十畝負二石之米日中趨百里而無憊容惟其實直而無二心故盜不能欺勤生而無外慕之好故利不能誘強悍而無孱弱可乘之氣故兵不能誅昔者木柵猶足以力戰禦寇而無肯失身於不義者今而得賢使君修其垣墉救其疾苦攜持撫摩以與民守之而民之與君又歌呼愛戴與君共守自今至於後日是雖無盜有亦不足憂也君前為庸田僉事城姑蘇今憲淮南又城合肥一人之身而二郡之民賴之以有無窮之固孺者之利不具溥哉君名世德字元臣由進士第歷官應奉翰林文字樞密都事中書檢校庸田僉事又其官與余前後為史氏城又余之所志而未成者也因為紀之其執事與凡拱役之人則載之碑陰

舒城縣元末邑人許榮建土城明弘治十一年知

縣安郁增築南臨大河歲慮潰決嘉靖中知縣何
偁初易以磚後歷郭懋陳魁士黃宗聖錢允燦朱
世昌凡五令而功始竟周一千三十九丈高一丈
五尺門六環城有濠明末殘毀

國朝順治中知縣丁時陞等相繼完繕雍正八年知縣
陳守仁修之

廬江縣土城亦元末許榮建明景泰以後知縣李
顯胡暘馬鑛周良會劉裁軒尚朱李暘吉等相繼

修築易土以磚周八百五十二丈高一丈五尺闊
九尺門六池深六尺廣二丈五尺崇禎三年知縣
張雲鵠修其傾圮十二年耿廷錄因寇亂於城外
築牛馬牆濬濠益深建重關石壩城守以完

國朝順治七年知縣孫弘詰雍正八年知縣陳慶門俱
重修

無為州在宋為軍壁明初知州趙君祥始築城周
九里高一丈二尺闊七尺門六東引花林大河為

濠深一丈闊五丈九尺嘉靖中巡按御史吳伯朋
用郡人劉崙議改建甃城高二丈四尺萬歷四十
六年久雨傾圮知州陳賢才修崇禎時復加修浚
國朝順治六年城西南壞知州方安民修雍正九年知

州張鑄修葺

附

明徐階修築無為州城記

無為州故有城

周若干丈其始不知所由築及元末而圮今復城
之者監察御史吳君百朋也嘉靖辛亥壬子間倭
賊竊寇海上州人布政叅議劉君崙以侍御憂居
言於同知今按察僉事許君用中請城以為之備
而無為去海遠衆相與迂之不聽後三年倭寇益
肆致焚燒郡縣劫守吏而取其歲天子詔有司各

得為城自保於時許君已去州之吏無能任其事者明年丙辰奉命按江北會寇犯淮揚遠近洶洶君歎曰是尚可不急圖哉乃進州守何寵條公帑之羨得若干緡使具諸費而召其民告語之使出力以供諸役民胥應無後始事於七月八日凡為日九十城成寇聞不敢犯州父老子弟相與樂其生而頌君之功於是劉君走書京師請予記按誌無為隸廬州廬在曹魏南宋蓋南北之界而攻守者所必先也想其時高城固門百倍他郡而民之苦於兵革亦有甚焉者矣逮我朝混一區宇列聖相繼禮教明法令一寇賊奸宄無所容其間而廬又於天下為中土其吏民宴然無復戰爭之慮故城之遺址坐視其沒於荒榛野草之中無復以為省者夫豈非治平之徵而臣民之大幸與然君子之為政未嘗不以其身其天下之樂亦未嘗不以其心先天下之憂城郭溝池所以設險而守國者

蓋不俟患之既至乃為之圖也若茲城之久而復
沒也又豈非有司之失職而論政者所深慨與自
江南用兵以來戰守之務取倉卒以致喪敗者多
矣彼其心非盡不知患之當備惟夫計迂習惰而
僥倖免諸其身故備之弗豫也無為今巨州寇所
窺也非賴吳君殆不免於焚劫然國家之制吏率
以九載乃得去其官惟御史之出按則一年而代
計矣君之日宜易以僥倖無事而獨汲汲乎備以
脫州人於兵火之中此其賢於世之君子遠
矣予故為記其事以告為政者使知勸焉

巢縣舊城圮元守帥王珪因舊規甃之至明嘉靖
間惟北門樓堞如故餘皆木柵知縣李謨嚴宏更
築周十二里高二丈三尺闊六尺西南臨河東北

金匱山門四隆慶中知縣易可久萬歷中知縣陳經
言崇禎時知縣審承勲俱修葺

國朝康熙七年知縣于覺世修雍正七年知縣鄒理重
葺

鳳陽府

府城明洪武七年建周五十里四百四十三步高
丈餘皆土築惟東北磚壘四里有奇門十有二曰
洪武朝陽獨山塗山父道子順長春長秋南左甲

第北左甲第前右甲第後右甲第其長秋父道子
順三門後裁九門名猶存池本無水軍民分種為
田

鳳陽縣附郭明洪武五年建外城周圍九里三十
步高二丈許門四內城周圍六里許高二丈五尺
二城皆磚築內城東南及西三面有池舊為皇城
崇禎八年守監王裕民以流寇犯鳳奏請鳳無城
郭令民得聚居於此

國朝康熙六年置縣治

臨淮縣梁天監五年築城周圍九里十三步高二丈五尺東遶渦流西環濠水北湧淮河門六各有樓明正德七年巡視都御史叢蘭守備太監閻瑄重修嘉靖中知縣吳鼎訓導郭維城鳳陽衛經歷嚴時亨隆慶中知縣陳中烈萬歷中知縣鄭之亮賈應龍相繼修治

國朝順治六年淮水溢圮數十丈知縣徐必進修

懷遠縣舊城相傳南北朝時所築周圍九里十三步高因荆阜深阻渦淮明景泰初知縣王道因舊址修建其後傾圮遂無城郭崇禎時流寇猖獗撫朱大典請城荆山詔遣欽天監載圖度地於淮河兩岸始建新城僅周三里二百餘步

定遠縣舊有土城明正德七年知縣楊麓易以磚石周五里二百三十六步高二丈餘門四環城有池深二丈北池闊二十丈餘皆闊十丈十四年知

縣高壁重修嘉靖以後知縣高鶴盧春蕙陳鵬舉
李彬相繼修葺

虹縣舊惟土堡歲久頽圯明景泰初知縣王磐弘
治中知縣樊江修之萬歷二十二年知縣任愚始
建磚城周圍五里十三步高二丈門五又有水門
二敵臺八座池深九尺闊三丈

壽州舊城久堙宋嘉定間許都統重建周圍十三
里有竒高二丈五尺廣二丈門四東為池塹北接

淝河西連湖中明正德中知州吳節同知梁穀袁
經嘉靖中知州栗永祿甘來學呂穆感萬歷中知
州鄭坑相繼增修

國朝順治六年大雨知州王業修

鳳臺縣壽州同城

宿州城肇於唐明洪武十年始壘石覆甃周圍六
里三十步高二丈四尺廣二丈五尺門四外有月
城池深一丈闊如之

靈璧縣古未有城明弘治中知縣陳玉始築土城
旋圮正德初知縣陳伯安即遺址建周六里有竒
高一丈九尺門四池深八尺闊二丈知縣邢隆繼
修。

潁州府

潁州舊城周四里高一丈八尺明洪武間指揮僉
事李勝建北城萬歷二年知州趙世相稍移西築
南城與舊合為一周五里四十四步北門仍舊東

西南三門俱在新城南曰迎薰東曰宜陽西曰宜秋俱有樓有月城正德甲戌兵備孫磐始甃以磚北倚潁水為隍嘉靖二十年兵備蘇志皋萬歷初知州謝詔濬隍置牖

阜陽縣附郭

潁上縣舊有土城元季圯明初千戶孫繼達始建磚城周二里六十二步高二丈五尺門四南北西三面有池東面臨河嘉靖中兵備蘇志皋濬萬歷

金定口
卷二十一
間知縣屠隆築隄崇禎九年知縣廖維義重築
國朝順治八年城圯於水知縣鮑弘仁修

霍邱縣舊惟土垣明成化間知縣高昇弘治中知
縣王啟修葺正德七年都御史叢蘭檄通判方賓
易以甌石知縣孫誠繼之始竣周六里二百七十
三步高一丈八尺門四知縣劉佐李璉周佩楊善
等修之其池深三大闊一丈知縣王啟鑿知縣陳

表重濬

亳州明洪武初築土城宣德十年指揮周廣甃以
甃石周九里三十步高一丈五尺廣倍之形如卧
牛故名卧牛城門四弘治十一年知州劉寧增修
太和縣舊有土城明正德間判官楊威加築知縣
趙夔繼甃以磚周一千八百七十九步高二丈二
尺厚七尺門四各有樓池深三丈闊五丈

蒙城縣明初築土城周九里有竒立西南及北三
門其東渦水環遶未立門景泰初知縣孫震修補

正德六年知縣葉寬重建磚城嘉靖間知縣劉繼
先開東門又開水門二後黃河水溢北城傾圮知
縣劉宗鼎建議縮城今僅六里許天啟中知縣呂
希尚崇禎時知縣王化澄楊子奇晉治

國朝順治中知縣田本沛典史余司韜康熙中知縣竹
綠猗修

淞州

州舊有子城羅城相傳唐宋間築明洪武中拓為

今城周九里十八步高一丈七尺門六東曰化日
小東曰環漪西曰永豐小西曰觀德南曰江淮保
障北曰拱極有月城又有上下水關建於宋嘉定
明洪武中修跨沙河為池

國朝知州寧鳴玉鄭邦相余國楷王賜魁相繼修葺

全椒縣明成化七年知縣張碧創始嘉靖戊午知
縣顧達始築為城周二里許高厚各一丈門三並
有重樓襄河遠其後為池萬歷中知縣楊道臣崇

禎時知縣方允昌

國朝康熙中知縣藍學鑑屢加修理

來安縣明成化四年知縣趙禮築土垣嘉靖三十五年知縣魏大用始為磚城高二丈門六各有樓萬歷中知縣周之冕修崇禎時知縣吳志高鑿池深三丈廣五丈

國朝康熙十九年知縣喬嵩修

和州

州舊有城相傳范增所築明初知州張純誠重修
周一十一里高二丈四尺門六上皆有樓東曰朝
陽西曰臨湖偏西曰橫山南曰橫江偏南曰環江
北曰香泉水關二濠塹深廣萬歷元年知州康誥
於六門築重城各周十五丈內外皆磚上為女牆
崇禎時陷於流寇知州萬民戴重葺

國朝康熙中屢經雨圯知州夏瑋王瑄繕治

含山縣舊無城明正德七年知縣張文淵始築土

垣周三里高一丈五尺門四池深廣各丈餘嘉靖
中知縣葛麟易以磚石高厚有加

國朝知縣朱長泰范貞相繼增修

廣德州

明洪武初元帥趙繼祖邵榮鎮此始建城垣周八
里高一丈五尺廣八尺門六東曰迎春西曰崇德
南曰明威北曰閱武東南曰石溪東北曰常州即
今水關池深八尺闊一丈六尺嘉靖中始甃以磚

自正德後知州劉節莊士元吳同春段猷顯屢修
屢圮

國朝康熙二年知州楊苞又修之其六門之名改為熙
春安貞麗正拱辰鍾秀惟常州仍其舊稱焉

建平縣舊無城明崇禎八年知縣侯佐始築周七
百八十大高一丈廣二丈五尺門四

國朝康熙四年知縣李景榮三十七年知縣茅成鳳俱

修葺

六安州

州舊有土城明初指揮王志堯以石正德中毀於
寇知州李宸指揮劉芳撤而新之增置敵臺二十
七座周一千一十丈高二丈三尺闊如之門四東
曰朝京南曰鎮南西曰通濟北曰武定後增文昌
門有樓有月城池深一丈四尺闊七丈崇禎末為
張獻忠所陷通判羅際知州徐潘等修補未竟
國朝知州劉克孔王所善王廷曾李懋仁相繼修之

英山縣元初至元間築土城周三里後圯明時但倚山帶河為險城不復設弘治己未盜起主簿徐璋承檄重築高一丈二尺闊五尺缺東南隅因河為濠門五明末賊蹂躪之基址僅存

霍山縣元時曹平章保障其地曾築土城明弘治中知縣崔中吳霖因舊址相繼修築周一千一百大歷正嘉隆萬中知縣王坊陳中復楊楠吳達迭甃甃石高一丈八尺水闊二池深一丈闊二丈明

李寇燧知縣曾廷杰張相重修

國朝順治中知縣樂元魁修水關

泗州

宋有東西二土城明初甃以甃石始合為一汴河
貫其中周九里三十步高二丈五尺東西南北四
門西南又一門名香花隆慶中巡按蔡應暘萬歷
中巡按李時成邵陞相繼修築環城有濠外有石
堤建牖啟閤崇禎時大水灌城郡守李希樸穴城

以洩水

國朝康熙十二年知州李德耀修城及堤其後淮湖泛漲堤不能支城遂淪陷寄治於盱眙山

盱眙縣古稱城小而堅有六門宋嘉定十一年修盱眙軍城阻山帶河明永樂間圯今北門尚存名曰淮汴

天長縣舊有土城周六里餘明嘉靖三十六年知縣黃泰然因建磚城周一千四十六丈有奇高二

大廣二丈七尺門四各有樓東西有月城環城有池深廣俱二丈萬歷中知縣田所賦崇禎時知縣羅萬象重葺

五河縣舊有土城為淮水所圮嘉靖中知縣高珍遷建磚城周四里高二丈三尺廣三丈四尺門四各有樓池深一丈五尺闊三丈六尺

國朝順治九年知縣丁浴初康熙二十二年知縣鄭鼎俱修葺



江南通志卷二十一